

三台縣志卷二十六

雜志

祥異

唐

貞觀十八年秋梓州大水

太和五年六月玄武江漲高二丈溢入梓州

宋

乾德六年正月知梓州趙延通獻芝一本

七年十月梓州獻芝草

開寶八年梓州獻瑞麥

太平興國四年八月梓州江漲壞閣道營舍

三台縣志

卷二十六

三台新民印刷公司代印

九年十一月知梓州沈護獲芝三莖

熙雍四年鄆縣民鮮于志鮮于皋牛生二犢

瑞拱四年九月梓州元武縣涪河漲二丈五尺壅下流入州城壞官私廬

舍萬餘區溺死者甚衆

咸平二年八月鄆縣民趙範粟一莖九穗

三年三月梓州江水漲壞民田

四年梓州水遣使賑恤

景德二年正月梓州甘露降

大中祥符二年三月梓州甘露降

五年六月梓州甘露降

六年三月梓州甘露降

七年涪城鄴縣民張禮牛生二犢 五月鄴縣西山石岩生紫芝十五本

九年涪城縣石壁生芝一本

天禧四年三月己亥賑梓州饑民九月鄴縣民岑貫田禾一莖九穗知梓州蘇維甫以聞

天聖三年七月梓州城門生芝二本

明道元年十一月梓州甘露降

寶元二年九月出內庫銀四萬兩易粟賑梓路饑民

慶曆元年八月梓州芝草生

嘉祐五年梓州夏秋不雨

元豐四年十月梓州北郭天慶觀生瑞竹一本第九節分莖雙起

三台縣志

卷二十六

二

三台新民印刷公司代印

重和元年十一月升梓州爲潼川府是歲大水

紹興三年春潼川路久不雨日月星皆有赤色

五年夏潼川路饑斗米二千人食糟糠

十四年十二月丁丑朔潼川府路轉運判官宋蒼舒獻嘉禾一莖九穗

十六年潼川府東南江溢水入城侵民廬

十八年六月己卯潼川大水九月甲午賑潼川被水州縣仍蠲其賦

二十三年潼川府江溢侵城內外民廬

淳熙九年潼川饑流徙者數千人

十六年六月潼川府東南二江溢決隄毀橋浸沒鄴縣涪城田廬無數
紹熙二年五月己巳潼川大水辛未東南江溢六月戊寅又溢再壞隄橋
水入城沒廬舍七百四十餘家鄴縣涪城漚田爲江者千餘畝

三年五月乙未潼川府東南江溢後六日又溢浸城外民廬人徙於山
冬潼川路不雨氣燥如仲夏日月皆赤

慶元三年潼川旱自四月至於九月

嘉泰二年四月潼川府大饑

嘉定二年九月辛亥東西兩川路大震三日乙卯又震甲子大震

十二年潼川府饑而不害 以上見宋史五行志

元

大德九年六月潼川鄠縣雨綿江中江溢水決入城

泰定二年亦然

至大二年潼川路饑 以上見明史五行志

明

三台縣志

卷二十六

三

三台新民印刷公司代印

正德八年十二月戊戌潼川州地震 明史五行志

崇禎四年旱三月不雨

十年丁丑六月二十日大風折木北關爲甚十月張獻忠寇潼川

十三年復寇潼川

十七年治南有古槐每夜聞響聲若誼譁然聞者乘月夜矚之見暗雲
集樹約有數百人物高五六寸許俱擁冠蓋乘車馬從底陞杪漸漸散
去居民遂伐樹而滅其迹 舊縣志

清

順治元年甲申川省尙未平六月後日月無光赤如血北斗不復見有大
星出西方是年十月二十一日張獻忠餘黨至潼川屠戮殆盡
五年戊子及己丑全蜀大饑人民相食

康熙二年治東出大蛇長數丈腰圍約三尺鱗甲赤光射人三年後不知所之

十九年前虎常入城爲民患二十年夏里民王應續月夜來城途遇白髮叟持竹杖驅數物恍若犬狀矚曰潼川非昔汝速遠去須臾不見自此絕跡

五十二年癸巳七月全蜀地震州境亦然傷斃人民甚多

乾隆十五年庚午五月城北琴泉寺雷擊塔圮聲如山崩縣治西有古井水甘冽雖旱不竭是日塔圮時井中出青烟如雲霧有香氣經兩日夜始息井距塔五六里其氣相感不可解也

二十一年七月初五日大成殿前雷擊右首古杉樹一株肌理分裂此係千餘年物大數十圍守廟者常見有大蜘蛛結網樹巔想爲雷神所

三台縣志

卷二十六

四

三台新民印刷公司代印

誅擊也

四十三年蜀大饑斗米千緡城立入市鬻子女餓殍盈途旱災爲百年所未有

四十七年六月大雨連綿山泉水發十六七等日涪江暴漲頃刻水高丈餘守令督率民夫緊閉四門水溢萬年隄奔注城隍從門縫中入復塞以土城中男婦奔避城上人心洶洶城不沒者三版守令捐俸撫恤民賴以蘇

四十七年六月潼川大水

四十八年癸卯十二月連日嚴寒彤雲密布晝夜大雪積厚二尺餘明年正月復得雪二次是歲麥禾倍收

四十九年七月十四日夜半雷電大作霹靂屢擊雲臺觀之拱宸樓柱

自上而下有龍爪痕深寸許

嘉慶十四年十二月連日大雪積二尺許明年春秋二季皆豐

二十四年十一月二十五日卯刻地震

咸豐十年庚申彗星長竟天昏夜有飛蛾大於掌眼突鬚長紅黑斑文可畏相傳噬人次年滇匪至

十一年辛酉春桐樹結實如刀大霧迷天連日不散狗皆夜哭夜半聞馬蹄聲鈴聲喊殺聲如兵至狀至二月二十一日藍賊入境

同治二年癸亥先是民間童謠有要唱太平歌石頭開花馬生角又有見豕沈埋在蜀江之語至是翼王石達開窺蜀爲總督駱文忠所禽始悟馬生角乃駱字見豕乃亥年邑人劉了緣有詩紀其事

三年甲子九月朔日甘露降 翼火鄉麥雙歧

三台縣志

卷二十六

五

三台新民印刷公司代印

光緒二年地鳴其聲如牛

三年丁丑邑大旱道殣相望斗米千錢

五年春雪連日竹木半折

十五年潼川大水人坐城堞可以濯足魚飛入城

十九年邑南楊家溝陳家溝田水相鬪

二十年秋天雨雹大如雞卵縣南景福院壞禾苗極多至夢龍廟傷人破瓦大如磚塊 又附城馬躍巖大路現一黑線長里許不知何來南關外街亦有此異

二十一年大旱冬大霜雪

二十二年正月初二日潼川地震 四月邑西麥秀兩歧 又治北鄉人鑿石破現壬子年開四字衆初不解及民國成立歲適壬子乃悟

數由前定不可易也

二十四年七月潼川大水

二十五年七月初五涪凱兩江泛漲船行南關城下被水災者約一千餘戶

二十七年翼火鄉潘家溝山崩有泉自頂流出

三十四年新陞場大雨簷溜初滴而水已高數尺淹斃十餘人漂沒器物草屋橋亦斷折俗稱出蛟云

宣統二年五月十三日申刻天日晴明星隕爲石作霹靂聲

民國

民國元年大石崗武聖宮僧人蓄雞生卵大如鵝子去外殼內又一卵稍小有黃白 又忠孝菴江約級家蓄一母彘產數子內一子生十足惟

三台縣志

卷二十六

六

三台新民印刷公司代印

四足能走餘六足垂身畔

二年翼觜兩鄉甘露降柏樹凝結爲多

四年春牛金鄉甘露降

七年清明時節鄉間螢火飛揚盛於長夏未幾兵匪交警

九年地震

十年飛蝗損苗 是年五月畢月鄉地鳴有聲如犢茫無定處數日方止 是年夏霖霖不止城內窪下處及池中水激射高丈餘數十日方平

十一年亢旱至甲子乙丑年尤甚井泉皆涸人食糟糠鄉人每夜沿山縱火謂之燒龍背云

十一年三師七師二十一師與省軍轉戰於川西北往來縣境先是土

人爭鬪者動云休管三七二十至是始驗

十三年縣南安家溝李承謀妻一乳生三子 夏五月大水石谷溪水

奔射西門

十四年四月二十六日午後城南門外大火延燒四百餘家忽飛火過
凱江焚對岸民房三座

十五年春大旱數月不雨至五月內涪江上游水漲冲塌沿河田廬

七月室火鄉仁壽寨山崩長六七十丈寬數尺深不可測 十月十七

日地震

十六年四月大風摧屋拔木兩晝夜始息 治南大悲閣王姓婦一產

四子 十月翼火鄉吳敦禮家與產象旋斃 是年參水鄉唐某家犬

貓同時產子小貓饑犬來乳之屢試皆然

三台縣志

卷二十六

七

三台新民印刷公司代印

十七年春二月凱江上游介族率羣魚出游先後長數里十數日乃不
見 三月下旬南關外河街夜大火焚七十餘家燒斃一人 四五月
大旱赤地千里斗米值錢三十釧 十二月下旬連日大雪邑東北積
雪深三尺許
十八年十月果木開花甚繁與春日無異

釋道

漢

張道陵生於吳之天目山學長生道入蜀居鶴鳴山漢安元年石鶴鳴感
老君降授以祕籙遂領弟子趙昇王長至雲臺山煉大丹服之躍入半
崖石壁中自崖頂而出因成兩洞上曰峻仙洞下曰平仙洞時永壽二
年九月九日將諸祕籙玉册玉印斬邪劍授長子衡乃與夫人登雲臺

峯白日飛昇

蕭梁

明 達姓康氏其先康居人也以梁天監初來自西戎至於益部卓錫梓州牛頭山欲構浮圖及精舍不訪材石直覓匠工道俗莫不怪之于時三月水竭卽下求木乃于涪水得一長材正堪剝柱長短合度至四月水溢木流翳江自泊村岸達接取從橫山積創修堂宇架塔九層役不逾時歎然成就 錦江禪燈錄

僧 仙康居賈人也梁周之際行賈達于梓州新城郡牛頭山值僧達禪師說法大悟卽沉寶船江中辭妻子投灌口山竹林寺而出家焉卒證佛果 禪燈錄

北周

三台縣志

卷二十六

八

三台新民印刷公司代印

僧 淵姓李邠人家巨富十八出家住城西康興寺今所謂福緣是也與同寺毅法師交相隨入京禮沙門僧寶爲師研精定道豁爾知津周氏廢教便還故寺隋氏運開更新締構以仁壽二年十二月與教師相繼坐化並窆于九里堂焉 禪燈錄

唐

智 通姓陳梓州人八歲出家後誦法華并講在牛頭山寺善持威儀奉戒貞苦至貞觀二十三年說偈坐化堂房皆動現白毫光經一食頃 禪

燈錄

神 清字靈庾俗姓辛氏綿州昌明人年十七歸梓州慧義寺依如律師受具戒後以優文瞻學入內應奉暮年仍歸本寺著有北山參玄語錄該博三教最爲南北鴻儒名僧所披翫焉 禪燈錄

道 初梓州馬氏子爲五祖演禪師侍者有年機辯峻捷門人罔知造詣
一日謂衆曰昨日離城市白雲空往還松風清耳目端的勝人間召衆
曰此是先師末後語有頃脫然而逝 禪燈燈
一 新「舊州志」梓州向無鹽井一新遊蜀至此指其地鑿之澁泉湧
出因建寺奉其遺軀焉

董 仲舊州人生而靈異數篆符鎮邪怪嘗遊京山潼泉以池多蛇書二
符以鎮之其害遂絕今城北柳林灘下有仲書崖世傳以爲仙窟 尙友

錄

法 眞舊州人妙齡夙悟南遊見藥山道人次石嶺外大瀉會下清苦煉
行瀉深器之一日問曰閣黎在此不曾問一轉語師曰教某向甚麼處
下口瀉曰何不道如何是佛師作手勢掩瀉口瀉歎曰子眞得其髓矣

三台縣志

卷二十六

九

三台新民印刷公司代印

還蜀寄錫天彭山山有古樹圍四丈餘南開一門中間不假斤斧師因
遊息其中時人遂號爲木庵禪師云 舊縣志

黃鹿眞人舊梓州民家女幼爲道姑慕黃冠之學修煉於清虛觀能利濟
居民後駕黃鹿騰空而去宋楊續矩齋有傳黃鹿眞人者東梓人也姓
馬名道興小字愛娘年七歲失所怙恃鞠養於祖少有英標不喜華飾
雅性冲虛欣慕黃老之學日誦千言一覽輒能記憶雖風雨寒暑不輟
或勸以女子之職當勤婦工而歸慕元虛何補容德但笑而不答人莫
知其意時有野服黃冠士年逾七十顏如渥丹貨藥於市仙女戶隙見
之如有夙契因延至內坐請問修真之訣師資相投遂授鉛汞符篆要
術於是束髮頂冠歸身至道因易道興之名一日請別仙女詰其姓氏
曰汝無問我久當自知留詩而去詩云女是寄生枝男是冬青木冬青

駕白鵝寄生跨黃鹿若遇寇相臨穩便拋家族早早上三清莫候丹砂
熟仙女且暮諷吟不絕於口俄而年已及笄乃祖逼以聘事族議詳定
確不可辭仙女歔歔流涕膝行而前曰女宿植不幸幼鍾酷罰膝下愛
養將終身焉今蒙家室之諭雖恩德深重存亡啣戢然野性荒疎志友
麋鹿舉案之勤非女所願乃祖憫之不斷其欲翌日命一女奴携囊杖
策穿雲而去既而夜徑林麓迷失故道忽覩燈燭熒耀若相引導者仙
女躡足前窺見衣冠三人宛然古圖畫中所繪者俱厲聲曰仙女誌之
卜庵於此卽成道矣言訖隱去黎明仙女徘徊四顧見山朝水會氣象
鬱然眞神仙窟宅遂稽顙拜禮謂女奴曰自非神人指示何以臻此乃
尋居民詢以職力所載隸屬之部居人曰東南之梓州涪城中江西北
之綿州巴西羅江相距各五十里爲界卡市是時世道多屯盜賊蠹起

仍歲荒歉仙女爲捐所有墾闢荒蕪疏鑿污塞播種以時使民無艱食
之患歷四十餘年仙女修真養氣日復精勤歲在懸車童顏不易營建
別館以延有道之士一日舊所遇貨藥者忽至謂仙女曰汝之功業漸
已成而外丹未應故欲相授指訣乃於瓢中取藥點土石磚爲金銀各
百以填丹臺祝之曰勿用自守當有神護坐歷三載丹硃自成則汝脫
身輕舉矣勉勵前修謹無中廢嗣後屢有盜賊睥睨鎮壇之物中夜變
怪百出無不狼狽而走及期月風雨暴至壇下地裂甘泉湧沸銀變白
鵝遊於池金變黃鹿遊於市人無得而近之者至唐天祐改元八月朱
全忠行崔杼之事昭宗崩全忠矯詔立輝王唐運告終奸雄蝟奮三年
正月羣盜踵仙女之菴抽戈直前仙女語之曰汝等敢行恣睢得無逆
天理乎苟無害居人則菴中所積悉以相餉凶人未有足色將不利於

仙女已而黃鹿白鵝突然而至於是仙女跨鹿風雲四起白鵝翔鳴前後揖引騰空而去舊有丹竈尚存至是烈如雷吼爐中光彩射天少頃空中晻靄天雨琉璃擲地有聲歷時而化異香馥郁終日不散羣盜悲哀悔謝投戈而退居人以仙女之德及人也深衆廣其庵以狀聞於蜀主王建顧謂侍臣曰此蜀國祥事也遂以卡市爲黃鹿鎮因賜清虛觀之名而命高行黃冠焚獻云嗚呼自唐末歷五季及我宋中興皇運幾三百年矣仙女之事寂然無聞於世獨里人李惟聰懼黃鹿之迹湮滅不傳博採耆舊參稽野史纂集大概持以示余而欲編次爲文以聞當時勒之碑石以傳後世余與惟聰有舊嘉其用心故不得辭謹爲次敘所聞以爲蔡邕之採擇皇宋紹興辛酉 舊縣志

胡尊師師名宗居梓州紫極宮梓之連帥及幕下如周相公李義山畢加

三台縣志

卷二十六

十一

三台新民印刷公司代印

敬致禮

雲笈七籤

清 虛梓州慧義寺釋清虛姓唐本州人也長誦金剛般若三業無懈常於山林間揚諷有七鹿馴擾若傾聽焉聲息而去又隣居失火連甕灰燼唯虛室獨存長安二年遊藍田悟真寺上方北院舊無井泉遠汲於澗運致甚勞時華嚴大師法藏聞虛持經靈驗乃請入彌勒閣焚香誦經達旦者三忽假寐中見玉女在閣西北山腹以刀子刮地便見泉湧虛往其處遂令人掘之果獲甘泉用之不竭 禪燈錄

王 藻字昌遇東川獄吏盡心獄事多陰德遇異人授以仙訣詩百篇深契易理大中末舉家仙去賜號保和道人今城內保和觀卽其飛昇處

與梓州獄吏條參看

張守虛字無知鳳翔人常賣藥梓州因訪友過金雞遂棲真延禧觀後仍

歸梓州號落魄仙以九日飛昇與落魄仙條參看

僧吉祥〔蜀晉錄〕東川解魔寺僧魁梧多力受飯五鉢日夜誦經九函池魚知其數以名召之皆出水面使去則皆沒

宋

馬自然〔于狄聞奇錄〕自然杭州人貌醜鬚鼻禿鬢大口飲酒石餘醉臥卽以拳入口人有疾病告之折薪草呵而與食無不瘥者嘗吟曰昔日曾訪魏伯陽無端醉臥紫金床東君謂我多情懶罰向人間作酒狂又曰何用燒丹學駐顏非塵市靜非山時人若覓長生藥對景無心是大還後住梓州上昇

按〔蜀典〕自然名湘好經史嘗墮雪溪經日方出坐水面而言曰適爲項羽招飲復南遊歸家省兄嫂兄適外出三日而湘卒後劍州奏梓

三台縣志

卷二十六

十一

三台新民印刷公司代印

潼道士馬自然上昇勅浙西刺史覆視之啟棺惟一竹杖

居 簡潼川龍氏子依邑之廣福院一日閱己庵語有省參佛照機契自是往來其門者五十年走江西訪仲溫於羅湖與師議論大奇之遂以大慧居洋嶼菴淳祐丙午示寂預書偈曰四月一日珍重至期假寐而

逝禪燈錄

居 靜成都楊氏子居潼川府護聖寺年十四禮白馬安慧爲師聞南堂道望遂往依焉堂舉香嚴枯木裏龍吟話往返酌詰師言下大悟禪燈錄

周野雲舊州人以琴遇知當路淳祐間甫二十謁余制置玠於蜀常留某寺因縱步林間聞叢密中笑戲聲卽之則五六童子席地而弈野雲揖之童子但頷之而已野雲意貴宦子弟心稍不平但素好弈遂蹲而觀

之須臾一童子携尊俎至野雲渴意可及已因問諸郎君何處童子不答舉尊酬酢談笑自若旁若無人野雲怒起一童子目之曰我輩此樂不減橘中之老君謂何如捧盞曰一童子酌酒令飲野雲搖首一童子捧俎令取果野雲亦不顧而去一童子曰彼安能忘情堤上金絲也又一童子曰此人心事亦好但易怒耳一童子曰二十年後須當憶我野雲歸以語僧怪之偕往舊處見果核狼籍而已僧曰是仙童也野雲大憾無緣既而某太守妻以妾名垂楊始悟堤上金絲之說後追憶仙童力意元門遊青城山亦得道去

舊縣志

趙法應別號肖菴舊州人生於望君山之左趙村壩年十五詣雲臺結茅修煉至十八募鐵數百斤鑄元帝像高數丈闊稱之一夕風雨晝晦忽自五里許移置山頂遂留偈云武當駕遊至飛鳥茅屋雲臺天下無又

三台縣志

卷二十六

十三

三台新民印刷公司代印

云脫落一貧道譎凡十有九記其歸去時再注重陽酒果於次年九月端坐化去人以爲元帝再世也其遺蜕歷元明兩目不陷髮潤如生萬曆中遭大劫乃毀而靈爽如故

舊縣志

天寧寺禪師一羅湖野錄一潼川府天寧寺禪師早業儒詞章婉縟有牧牛詞曰咄這牛兒身強力健幾人能解牽騎爲貪原上綠草嫩離離只管尋芳逐翠馳驅不顧傾危爭知道山遙水遠回首到家遲牧童今有智長繩牢把短杖高提入泥入水終是不生疲直待心調步穩青松下孤笛橫吹當歸去人牛不見正是月明時世以禪語爲詞意句圓美無出此右

按天寧寺卽洞門寺

明

馮龜山舊州人嘗修煉於治東二十里鳳頂山下遇異人得道術仙去號

龜山真人有玉輔上宰四字古碑尙存 舊縣志

清 鳳舊州人生時有光射室父母驚異及長聞經語立聽不倦一僧云此子有善根當成之父令祝髮後遊名山得岐黃術自謂我當活人是一年果瘟疫流行僧藥到卽愈全活甚衆後趺坐而化 舊縣志

洪 淨古渝州棠城人從雪峯和尚祝髮習禪明性後遊梓州玉隱山成化初於邑北鳳凰山正覺寺大振禪宗自作藏身碑記有客問如何是性命無生滅應曰景換年催天不易石開水落月還圓允爲名偈云 羅

江縣志

妙 叢姓彭氏潼川和鄉人幼師事比丘普文普文爲默菴入室弟子又嘗受法於雪峯禪師年七十貌癯神清宛然一大阿羅漢云 明高第正

覺寺記

三台縣志

卷二十六

十四

三台新民印刷公司代印

清

道士韓國策字儒先法派應清工符籙禁咒之術雍正間大旱設壇舞雩限某日雨至期赤日燔空天無纖雲衆陰誚其妄韓取雞子五枚繪雷篆向空擲之油雲驟起雷霆暴作兩大注平地水漲尺許中乃有魚蝦焉今韓之法不傳惟宅右辟邪碑尙巍然獨存里人覆小廟香火祀之谷玉成不知何許人也飄然披緇棲眞於參水鄉之三清廟精岐黃同治初鄉中大疫治療輒愈概不取值迄羽化葬廟後忽有遠方患病得藥方而愈者來墳前祭祀鄉人立廟祀之

瘋 僧不知其姓名年六十餘破衲污垢靜坐一室日或出臥門外張目對日目不轉睛僧徒與之食則食或數日弗與亦不饑中江儒學吳立卿偕僚友何符九廖季平馮蘭臺張惠門諸君遊東山寺覓瘋僧見之

不交一語惟瞠目仰視似知道者立卿爲作歌曰東山之頂塔凌巒高
僧未見惟瘋僧衲衣塵垢何時浣蒲團冥默超三乘旭日瞳瞳東方上
瘋僧視日涵萬象恍如葵藿傾太陽金烏已退僧月朗腹中何物長不
饑年過半百無雪髭世間榮悴幾番易借問瘋僧那得知手持一卷楞
伽經階前常有毒龍聽有僧如此真獨往我欲從之采茯苓

活觀音邑西石澗河王祺次女慕謝自然之爲人長齋繡佛守貞不字能
知未來事及筭無疾坐化里人神之葬其遺蛻於涪江之上名其地曰
蓮花臺閱年百餘尙著靈異每歲二月望九日香火相屬於道清蘆溪
縣丞吳某建八角亭覆其墓側有山樓俯瞰大江額題蓮臺小憩女士
繆華書也

明心居士姓袁自言明嘉靖時人光緒初寓龍臺寺嘗以一籃自隨衣不

三台縣志

卷二十六

十五

三台新民印刷公司代印

浣不易終身如故聞其語宛然若顛故鄉人多稱之曰顛師然歲之豐
歉天之旱潦世之治亂數之修短人之善惡無不談言奇中事後始知
嘗作三教合編以垂世弟子幾徧川北圓覺於清光緒辛丑寺側有碑
可稽

胡繼統危月鄉白石岩人着道裝能仗劍驅逐妖邪致雷雨龍皈寺塑像
祀之遇天旱禱之最靈射洪金華山亦有塑像

王道士同治間大旱不雨延道士于縣南樂嘉場金龜寺設壇禱雨跪壇
下作法用雞卵置白中杵破霹靂大作沛然大雨樹枝上猶見水中細
草後羽化鄉人爲肖像於廟至今猶存

柳泉道人姓白號中祿少耽書史屢試不第乃退居以修養爲務博采玄
書講求道要方士有高行者悉禮而延之當時皆稱爲白道仙一日設

筵聚親戚曰元始有命來召我不日去矣特與諸君話別其親戚宗族尚疑爲幻果一日沐浴焚香談笑而逝始知其脫化仙去

侯道人清道光時人居邑北琴山下精法術能呼召風雨大旱請禱多應府縣俱獎之相傳後與五通神鬪被人驚覺受創越數日死靈仙洞側青石下藏有符籙經書若干卷擊石則致雷電云

軼事

涪水淬刀 〔太平廣記〕諸葛武侯時有蒲元者治術同歐冶風胡常爲孔明鑄刀劍言蜀惟涪水可淬刀劍或以涪水雜江水元輒能辨之子州妻縣 〔大唐傳載〕李鎮惡卽趙公嶠之父選授梓州郫縣令與友人書曰州帶子號縣帶妻名由來不屬老夫並是婦兒官職名勝志

作蘇榮語

三台縣志

卷二十六

十六

三台新民印刷公司代印

趙蕤與李白齊名 〔王初桐記〕唐睿宗問蜀士於蘇頲對曰李白文章趙蕤術數知蕤固與李白齊名矣

元稹彈文 〔文苑英華〕元稹彈嚴礪文錄故劍南東川節度觀察處

置等使嚴礪在任日擅籍沒管內將士官吏百姓及前資寄住塗山甫等八十八戶莊宅共一百二十二所奴婢共二十七人〔舊唐書元稹本傳〕憲宗召稹問方畧爲執政所忌出爲河南縣尉丁母憂服除拜監察御史奉使東蜀劾奏故劍南東川節度使嚴礪違制擅賦又籍沒山甫等吏民八十八戶田宅一百一十一奴婢二十七人草千五百束錢七千貫時礪已死七州刺史皆責罰稹雖舉職而執政有與礪厚者惡之

好時節 〔元稹好時節詩〕身騎驄馬峩眉下面帶霜威卓氏前虛度

東川好時節酒樓先被蜀兒眠按此詩一則曰驄馬再則曰霜威殆微之元和四年拜監察御史使東川時作

花卿 舊唐書肅宗紀上元二年四月梓州刺史段子璋反襲東川節度使李奐於綿州自稱梁王改元黃龍以綿州為黃龍府置百官五月成都尹崔光遠率將花驚定拔綿州斬子璋高適傳西川牙將花驚走恃勇既誅子璋大掠東蜀天子怒光遠不能戢軍乃罷之杜甫戲作花卿歌曰成都猛將有花卿學語小兒知姓名用如快鶻風火生見賊惟多身始輕綿州副使著柘黃我卿掃除即日平子璋鬪讎血模糊手提擲還崔大夫李侯重有此節度杜詩鏡陰李奐以子璋亂奔成都及平得復之鎮人道我卿絕世無既稱絕世無天子何不喚取守東都又贈花卿錦城絲管日紛紛半入江風半入雲此曲祇應天上有人間能得幾回

三台縣志

卷二十六

十七

三台新民印刷公司代印

聞 揚升菴曰花卿在蜀頗僭用天子禮樂子美作此譏之而意在言外最得詩人之旨

召試題 金鑾密記唐昭宗召韓偓入院試文五篇中有武臣授東川節度制一題偓繳狀云臣才不邁羣器非拔俗待價既殊于櫝玉窮經有愧于籛金遭遇清時涵濡睿澤峩冠振珮已塵象闕之班舐筆和鉛更入金門之召

及第開宴 摭言楊汝士尚書鎮東川其子知溫及第開宴汝士命營妓人與紅綾一匹詩曰郎君得意及青春蜀國將軍又不貧一曲高歌紅一匹兩頭娘子拜夫人

柳棠詩 摭言柳棠東川人才思優瞻應進士舉擢第後參越嶺軍事楊汝士尚書鎮東川棠在席獻巨魚飲之棠不卽飲汝士以詩戲之云文章漫道能吞鳳杯酒何曾解喫魚今日梓州張社會應須遭者老

尙書棠答云未向燕臺逢厚禮幸因社會接餘歡一魚喫了終無媿鯉化爲鵬也不難棠每於東川席上狂縱日甚以詩忤楊公云莫言名位未相儔風月何曾阻獻酬前輩不須輕後輩靖安今日在衡州公怒爲書讓其座主高錕侍郎曰膺門之貴豈宜有此生二公以書往返詰難棠不任其憂惕靖安李相宗閔汝士中表

東門草市 〔南部新書〕蜀東西川之人常互相輕薄西川人言梓州者乃我東門之草市也豈得與我耦哉柳仲曄爲東川節度使聞之謂幕賓曰吾立朝三十年清華備歷今日始得西川作市令聞者皆笑之故世言東西兩川人多輕薄

鮮于叔明 〔新唐書本傳〕李叔明字晉本鮮于氏兄仲連字向叔明擢明經崔旰入朝拜東川節度使大歷末或言叔明本嚴氏少孤養外

三台縣志

卷二十六

十八

三台新民印刷公司代印

家冒鮮于姓叔明醜之表乞宗姓列屬籍代宗從之

柳家細婢 〔北夢瑣言〕唐柳僕射仲賢鎮郾城有一婢失意將婢於成都鬻之蓋巨源使君乃西川大校累典大郡宅在苦竹溪女僮具以柳婢言導蓋公欲之乃取歸其家女工之具悉隨之日夕賞其巧技一日蓋公臨街窺牕柳婢在侍通衢有鸞綾羅者從牕下過召之就宅蓋公於束縑內選擇邊幅舒揲之第其厚薄酬酢可否柳婢失色而仆以中風恙命扶之而去一無言語但令輿還女僮家翌日而瘳詰其所苦青衣者曰某雖賤人曾爲柳家細婢死則死矣安能事賣絹牙郎乎蜀都聞之皆爲歎息清族之家率由禮則蓋公暴貴未知士風爲婢僕所譏宜矣哉

客館鎮潭龍

〔通志〕王蜀時梓州有張溫者好捕魚曾作客館鎮將

夏中攜賓觀魚偶遊近龍潭之下熱甚志不快自入水舉網獲一魚長尺許鬐鱗如金撥刺不已傍岸人甚異之逡巡晦暝風雨驟作溫惶駭奔走數里依然烈景或曰所獲金魚卽潭龍也

王宗裕 〔九國志〕宗裕建之宗屬大順二年遷青州刺史東川平爲東川留守昭宗下詔加以眞命武成初召歸總成都城內外諸軍事再爲東川節度副大使班白者攜幼以迎於道封通王永平初改東川爲武德軍以宗裕爲節度使宗裕既秉旄鉞遂貪貿財貨以白金百兩作鋌鐫記年月每五鋌爲一束以生牛革裹之子諫曰牛革著物堅樞後難可開宗裕叱之曰何更開也罷歸於郊外開廣林莽壞掘邱墓立亭榭鑿池沼樹花木攜妓縱酒爲樂一日方醉坐軒檻中見數人謂曰與君幽顯異路何相陵太過宗裕遽仆地寢疾不數日卒

三台縣志

卷二十六

十九

三台新民印刷公司代印

王宗弼 〔九國志〕宗弼本姓魏名宏夫以家籍隸忠武軍建取閬中補義勇都十將賜姓名及入城都累遷嘉眉二州刺史建征果州宗弼掠地爲顧彥暉所獲彥暉責之宗弼曰罪固當死但念平昔與公有素故敢來也彥暉笑而釋之先是常厚攻梓州建遣宗弼援之臨行謂曰汝等破賊彥暉犒汝汝當報宴俱至營中則擒之俱來及將報宴而宗弼告之彥暉遂以疾辭故宗弼以爲言於是厚待宗弼以爲養子及彥暉兵敗顧宗弼曰爾非我子可自求生因壞垣而去建入梓州宗弼束身自歸建待之如故逾年復令將上軍

看聖燈詩 〔蜀故〕徐耕生二女皆國色有藻思王建入蜀聞之納於後房生衍及衍嗣位尊太后太妃太后題潼川三學山看聖燈詩云虔禱遊靈境元后夙志同玉香焚靜夜銀燭炫遙空泉激雲根月鐘敲檜

杪風印金標聖迹飛石顯神功滿望天涯極臨西日脚紅猿來齋室上
僧集講筵中頓覺超三界渾疑證六通願成修偃事社稷保延洪太妃
詩云聖燈千萬炬旋向碧雲生細雨濕不暗好風吹更明磬敲金地響
僧唱梵天聲若說無心法此光如有情

李珣 〔蜀故〕梓州李珣有詩名其先波斯人事蜀主衍妹舜弦爲
衍昭儀亦能詞有鴛鴦瓦上忽然聲句珣秀才預賓貢國亡不仕有感
慨之音周草牕曰李珣輩俱蜀人各製南鄉子數首以志風土竹枝體
也

爭鹽利 〔蜀鑑〕天成三年孟知祥屢與董璋爭鹽利璋誘商旅販東
川鹽入西川知祥患之乃於漢州置三場重征之歲得七萬緡商旅不
復之東川

三台縣志

卷二十六

二十

三台新民印刷公司代印

李堯夫 〔岷山異事〕梓潼山人李堯夫吟咏尙譏刺謁蜀相李昊昊
戲曰何名之背時耶堯夫厲色對曰甘作堯時夫不樂蜀中相因是爲
昊所擯知蜀主國柄隳紊吟苦熱詩云炎暑鬱蒸無處避涼風消息幾
時來

減梓州貢 〔宋史〕仁宗慶歷五年六月丁卯減梓州上供絹歲三之
一紅綿鹿胎半之

清夜吟 〔宋詩紀事〕魯交字叔達梓州人仕至虞部員外郎有三江
集〔舊通志〕魯交刻苦力學長於詩仁宗手錄交清夜吟賜天臺山
僧愛其清絕也

楊諤詩 〔司馬溫公續詩話〕科場程試詩國初以來難得佳者天聖
中梓州進士楊諤始以詩著其天聖八年省試蒲車詩云草不驚皇轍

山能護帝輿是歲以策用清問字下第景祐元年省試宣室受釐詩云
願前明主席一問洛陽人謬是年及第未幾卒

二蘇送行 〔元費著氏族譜〕周尹登慶歷六年進士後知梓州蘇文
忠公軾文定公轍時皆在朝各賦詩送之〔按〕二詩俱從集中搜出入
文徵類

梅林分韻 〔宋詩紀事〕于格字伯永潼川人有梅林分韻詩得彭字
庭柯臥蒼蚪閱世如聃彭朔風破檀欒零露滋玉英江空人響絕影落
千丈清今代文章籙縉雲主齊盟躍馬覘春色觴客江上亭三嗅韻勝
華霜霰飽曾經及時剝其實可用作大烹幸因輶軒使錫貢充皇庭王
明儻予燭和羹登筮劔〔縉雲馮時行序〕節錄 紹興庚辰十二月既
望縉雲馮時行從諸舊朋凡十有五人携酒具出梅西林林本王建梅

三台縣志

卷二十六

二十一

三台新民印刷公司代印

苑樹老且大可庇一畝酒行以舊時愛酒陶彭澤今作梅花樹下僧爲
韻分題賦詩十五人中有潼川于伯永

王夷膺召 〔朝野雜記〕趙靜之善譽薦張子長於朝將有命召或曰
前是太師所薦不行而今以一路監司所薦召之恐傷事體時王燕望
少監夷潼川人子長同榜進士第二人爲成都石室教授乃降旨并召
二人若曰自以進士高第召之非由外薦也

馮 楫 宋紹興中潼川路兵馬都鈐轄瀘南沿邊安撫使〔通志〕佚
其名但載紹興時瀘南安撫使楫幼喪父離母寄養于人後官瀘求其
母不得會誕日羣丐聚乞署門外內一瞽目老嫗曰吾兒生同今日若
在老身不至流離如此也家人入告楫進嫗問曰汝子生年月日能記
憶否嫗一一言之不爽又問身中有記否曰二子共胎連臂而生以刀

分之一死一生生者脊有長痕懺下拜泣曰是吾母也扶起薰沐焚香告天跪飭其目其目復明因建埵日報恩今在瀘州開佛寺中

扈諫議賑饑 〔厚德錄〕扈諫議稱爲梓州路轉運使屬歲饑道饑相望稱卽先出祿米以賑民故富家大族皆願以米輸入官而全活者數萬人

拱辰樓柱 〔錦里新編〕邑南雲臺觀上塑眞武像後有拱辰樓規制壯麗因歷年久遠樓有中柱朽爛將折乾隆元年住持釀金計圖折建忽有老人陳匠自楚省來自稱不動樑瓦便可換柱遂庇材卜吉以俟至期陳匠語道衆今夕倘聞人聲戒弗起視夜半果聽許許拽木斤斧畢舉喧闐良久黎明聲絕衆起視但見椽瓦如故朽柱移至露井長三丈餘已換新柱覓老匠已無蹤影至今樓尙存

三台縣志

卷二十六

二十二

三台新民印刷公司代印

牛頭山洞 〔神僧傳〕牛頭山半有洞人傳八百里與眉州通曾有避罪者匿其中後於青神中巖見之

落魄仙 姓張常賣鼠藥於梓州獄吏王昌市藥歸鼠食之皆飛去後昌入瀘又遇之乃易藥餌之呼昌爲易元子授以道術取馬送昌歸至家馬化龍入潭昌後遂仙去

梓州獄吏 〔臣鑒錄〕王藻潼川人爲獄吏每日持金歸妻疑之因遣婢餽豬蹄十臠及歸云送三十臠藻怒酷掠之不勝痛誣服遂杖逐之妻告之故因曰君日持錢歸我謂必鬻獄而得姑以婢事試之刑罰之下何事不承願至今切勿以一錢來不義之物死後必招罪咎藻瞿然大悟汗流浹背因題壁曰枷杻追求只爲金轉增冤咎幾何深從今不願事刀筆放下歸來遊竹林卽棄家學道後賜號保和道人

劉道明 「舊通志」劉道明初名照安岳人自少居梓州北郭天慶觀終日默坐歷二十餘年遂知識緯永樂間以星史之占召入京時早命禱雨三日雨沛然下上奇之卒年九十有九時人目爲劉神仙

智源 「通志」智源遂寧人傳法牛頭山工雜畫尤長於人物山水嘗寫看雲圖一高僧抱膝昂首位目蕭然有出塵之姿

潼川司戶 「朝野雜記」淳熙辛丑孝宗策士昌元王昂既賜第調潼川司戶自言年踰六十不願出仕上嘉之特改承務郎致仕蜀人皆以詩送之宋師古詩云集英殿下初登第神武門前便挂冠

資州北巖題名 「資州志」建炎丁未題名行書今存資州北巖書云潼川任時發襄陽董知彥安岳和景伯李公才建炎丁未初邂逅於此烹茶弈棋乘月而歸

三台縣志

卷二十六

二十三

三台新民印刷公司代印

賀啟 「輿地紀勝」趙溫叔賀潼川張守云民所習熟公則優游陳伯玉之故山正可按詩書而尙友顧彥暉之陳迹或當表忠義以勸能又王元龜啟陳伯玉之故鄉風生諫草杜少陵之遺跡春到詩壇

安昌巖避暑 「輿地紀勝」楊天惠次呂給事安昌巖避暑詩北郭雲山接巴閬東城雪水瀉文龍又云懇乞魚書得梓潼曾司紫誥駁斜封江山似解邀康樂符瑞時來訪彥龍

官舍詩 「輿地紀勝」張士遜官舍書事云一載涪江上轉添山野情手携僧共出筆放吏歸耕又云官舍如僧舍翛然萬慮清等閑無客到容易有苔生又和友人云人家飛鳥外官舍翠屏中

德政詩 「輿地紀勝」潼川舊記鮮于叔明功德碑載嚴氏詩云三院四人簪白筆一門三鎮擁朱轎張士遜送柴大諫赴闕云一萬餘家

留戀意二三十里管絃聲惠加潼水流難盡鞭指金門望轉清

春戶

〔輿地紀勝〕潼川旁江之民櫃水爲機江流爲堰所激則旁蝕民田水將齧城有言於上者爲春戶賄吏而止水乘高來與堰石爭其聲壯厲太常杜常詩云江聲聒破刺史眠

筒車

〔張問安筒車詩〕縛竹爲巨輪臨河若有界累石蓄水勢河勢爲之隘周輪排短筒俯吸仰而沛夾岸饒農田接竹引其內曲曲赴溝渠千畝俱所賴人巧奪天工天工欣有代舟行每眺望旋轉劇無礙安得駕雙輪長劍倚天外〔按〕治北甘江壩沿江農田多置筒車

水車

〔蘇軾賦水車詩〕翩翩聯聯銜尾鴉犖犖确确蛻骨蛇〔按〕水車一名龍骨車是處皆有而潼屬田家亦多此物其式與蘇詩所狀合董永墓 邑東桃子園有董永墓〔千寶搜神記〕永千乘人少失母獨

三台縣志

卷二十六

二十四

三台新民印刷公司代印

養父流寓孝感父亡無以葬乃從人貸錢一萬日後無錢還當以身作奴葬畢忽道遇一婦人求爲永妻永與俱詣錢主令織縑三百疋以償一月而畢辭永去曰我天之織女緣君至孝帝命我助君償債言訖凌空而去

石龍

〔按〕縣署外之右恤廢局之左

在舊石柱街

相傳明末有智井出五色

烟邦人取巨石塞之鑄龍其上以爲潼川之鎮此無載籍可考而龍則之而蜿蜒鱗爪畢具也舊謠云石柱盤龍鎮梓州

東川茶名

〔張澍蜀典〕引國史補云東川有神泉小團昌明獸目四茶名

銅山

〔輿地紀勝〕元和郡縣志云郫縣地有銅山漢文帝賜鄧通蜀銅山鑄錢蓋其餘峯也歷代采銅

陳弈禧益州于役記 民謠云石柱盤龍鎮此州鳳凰展翅壓牛頭三臺山上七星見九曲江邊一派流青石巖前聽虎嘯兩山合處看魚游此數語總一州之勝也

嚴錫命故宅 〔蜀破鏡〕明末舉進士從獻賊爲右丞相大築園榭於治北之南溟鎮嚴家壩明時名高德鄉獻賊幸其家惡其豪侈誅之

鹿峯集 〔蜀故〕潼川張櫛明末世居觀鹿山下所著書曰鹿峯集成都人費密字此度少遇獻逸之亂竄身西域不毛之地已乃溯漢江下吳楚居淮南老焉常寓秦州太守知其賢爲除徭役後住蘇門謁孫鍾元稱弟子亦著有鹿峯文集殆不謀而合歟

白鹿洞天 明永樂初射邑羅將軍出獵逐一白鹿至邑南龍臺寺後不見奇之書白鹿洞天匾以紀其事並辭榮祿就此爲僧

三台縣志 卷二十六

二十五

三台新民印刷公司代印

盧知州 一經堂父子重逢記 一清兵毆除獻賊隨設有司谷陽愛女依叔避亂鄉居有繩其美於州守盧某者欲強婚之兩次威脅不得已飾婢荷葉往代女出依綿州陳氏盧感時疫滅門

兩朝受知師 一經堂年譜 一明末邑舉人萬谷陽赴部考試吏部考功司左懋第評其藝云其清如水其堅如石當是謫仙萬見之甚不憚以將入會場得此語不祥後果落第順治初洪陳疇撫江南令流寓者投供補選試以牧馬策萬取列第四改推官爲知縣萬與范端然皆不願洪曰爾輩不服清朝耶皆默然洪乃出座立簷左語萬與范曰爾輩既知作兩截人矣今好缺多被滿人選授其餘皆亂過地方耳勸說者久之乃授谷陽以青陽令

清高宗墨蹟 中堂巨幅硃砂箋正面龍書五古詩一首印文曰古稀天

子乃高宗御書賜遂寧相國張文端者今存城內駱氏家

江南大閱圖 清康熙間邑人王新命督漕河時所繪人物神彩如生圖
存城北王氏家

縱賊渡潼 「庸閒齋筆記」嘉慶初元福州將軍魁倫與總督伍公巡
撫浦公以事相忤署方伯錢公則以爭一優人有隙會總督入覲將軍
兼督篆遂摺撫三人賊私事并以福省州縣虧空百萬劾之疏入奉命
查辦總督巡撫方伯皆正法而所謂百萬之虧空者實無此數乃以鹽
課及閑欸湊成之於是州縣擬斬決者十七人合省呼冤而魁倫揚揚
自得也不二年魁倫移鎮四川又劾總督勒襄勤相國而代之未幾乃
以縱賊渡潼河貽誤軍機罪伏法勒仍回任閩人以爲有天道焉「錦
里新編」嘉慶五年戶部左侍郎周東屏與岱涪州人兵部左侍郎周煌

三台縣志

卷二十六

二十六

三台新民印刷公司代印

之子也奉命陝西祭告華嶽並文武成康陵寢入川致祭江瀆適川督
魁倫以潼河失守飭令審辦事竣回涪省墓時論比之司馬諡蜀殆有
過之云「按」閩省虧空之案邑人王履吉亦在其中竟脫於難當時士
大夫競爲詩歌以送其歸張船山太史詩云那見棋從打劫贏殆指此
事也李驥元詩云一百餘人齊下淚羨君歸種故園花意當時被害者
不止十七人耳

德楞泰遺事 參贊德公殲白號賊張子聰于楊家店餘賊潰走邑東龍
樹場村農陳正偉爲邏騎所獲既駐營德公親鞫俘兵衛森嚴莫敢仰
視有自稱難民者問有何據以紅契對德誤契爲旗怒曰紅旗爲據非
賊而何立斬之次至正偉從容申訴出糧票爲質研詰毫釐相符遂獲
免且謂曰觀汝當是良民有相識者無妨保認偉敬諾所保釋已數輩

最後一人長軀虬髯狀甚偉德一見拍案曰此老賊也將斬之其人色沮魂飛噤不能聲偉急白此縫工吳某非賊也德咄曰汝妄保罪且及汝偉叩頭言乃素相識所以冒死保釋者恐大人失刑也遂並得釋後遇縫工輒呼老賊以爲戲

參羅江縣志

紅雲 〔採葑集〕咸豐庚申謝逆擾川東掠一女名紅雲失其姓年十七色麗能詩謝婦愛之撫爲女欲選營中貌姣者配之女曰兒生不喜同夢願踵觀音後塵以了終身謝婦曰人生如白駒過隙弱塵栖草奈何甘自孤苦吾今擇一才貌相稱者爲汝伉儷鏡鸞庶不孤掩也女再三泣辭人呼爲女觀音自謝統領死於遂寧謝婦襲職帶兵由太鎮至潼紅雲日夜未離左右一日至琴泉寺女向觀音拜畢題詩廟壁云弓鞋步步上琴泉一望家山月滿川弟妹牽情傷姊別爺娘入夢憶兒還

三台縣志

卷二十六

二十七

三台新民印刷公司代印

身羈甲帳清凝玉影繞辰溪翠散鈿暗禱觀音憐弱息皈依座下化紅蓮半載離鄉淚暗彈金敲鼓擊角聲寒備嘗辛苦風塵險頓覺丁零行路難泉滴凄清和淚滴花殘冷落並香殘餘生無幾遭磨折怕賦此離女嘅嘆嗣後賊薄城礮聲人語震鬧環攻未克及謝婦歸營而女杳然矣

邱某 咸豐庚申滇賊至安居場銀工邱某婦少艾色美聞賊至與母匿小樓被賊搜獲邱他出亦被掠婦不知也邱某忽於營中遇婦相持泣賊問故邱曰吾母年九十聞軍至令妻奉母謹避今夫婦皆被擄母立死無葬所矣一賊曰爾母九十應歸土繫念奚爲一賊曰不然誰無父母離人骨肉而奪人妻孥仁者不爲賊應曰如此可釋蠢夫歸而留其妻可也遂釋邱去邱行數武有川西文士在賊中附耳謂曰盍去大營

鳴冤夫婦可同歸也遂導至中營連呼冤屈賊首傳問得故曰吾行義師不許估搜婦女敢逆吾命卽縛擄者梟示賞邱白金五兩令人送夫婦還鄉嗾邱鳴冤者送別贈詩云我竟無緣爾有緣依然破鏡得重圓采鸞同駕文簫去好向萱堂待引年

牛頭寨 〔采葑集〕辛酉賊薄潼川堅不能破乃退走綿州先是邑令劉瑞琳見城西牛頭寨逼城甚邇爲郡保障民困於兵燹無錢修築訪得邑富民有賄求進取者劉曰君能出銀二千兩吾許以遊泮富民從之乃於縣考置諸榜首及院試面與學憲言明置諸榜首之意遂取入庠乃以其金修築牛頭山城堞甫興工高巖石墜壁現晉人二字莫解其義

童謠 咸豐末有童謠曰九九水乾大石出失却東南一支角看看隔江

三台縣志

卷二十六

二十八

三台新民印刷公司代印

滾過來幸有黃虎天上落又云見云見豕沉埋在蜀江後癸亥年翼王石達開由大渡河窺蜀爲駱文忠所擒童謠果驗邑人劉了緣有詩紀其事所謂馬角生時虜氣摧是也

劉明端 縣南室火鄉劉明端妻張氏夫婦年皆八十餘十月十三晨張氏故家人祕不使知天明明端瞥見卽索酒食饒行食頃隱几臥杯猶在手呼已氣絕可謂偕老百年古今罕見者也

詩讖 江油張梓忠先生前知縣事多惠政卸篆後購書數萬卷從事著述已擬杜門不出以當道再四禮羅重作出山之雲民國戊辰三月七日舟過縣南蟆頤洞覆焉邑人莫不痛悼歎天道無知聞其束裝之前數日在家作有無題七律一章云眼底紛紛感百端胸中塊壘鬱千盤宦情早似秋雲淡歸計眞成蜀道難鳳髓龍筋虛作判麀頭鼠目亦求

官向來誤究興亡業欲挽天河洗肺肝事後乃知其詩讖也

斜陽獨立圖 王溥號芸泉浙江人爲中江典史歸田後置業邑西魯剎寺因家焉工畫清乾隆時徵天下畫士應考溥得第一善飲醉後運筆如神瀟灑出塵其畫稿天下皆珍之自繪小像有斜陽獨立圖存邑人王汝莊家

三台縣志創自前清乾隆丙午鄭純邨大令至嘉慶壬申邑侯沈昭興廣續舊志哀輯成書迄今民國代禪又閱百餘年矣已往之事蹟既遼邈而難稽革新之建設復層積而待紀縣中紳耆屢議續修訖無成局民國六年江油張君梓忠權邑篆奉檄纂修邑乘梓忠博雅負著作才禮聘名宿綿陽陳經畚邑明經孫達泉贊助之設局調書徵求採訪以兵事起而中輟越十六年革命軍二十九軍軍長田公駐節潼川時局轟定休兵息民力圖建白適松軒林君令是邑乃復廣前議慎選士紳分司採訪其事蹟均採至民十七年止聘分纂十人分門編輯而自領局長以監督之分稿甫繕林君卸篆法團集議以邑令兼攝總纂由總纂聘協修三人襄其事時謝君天民陶君夢雲相繼爲令皆留意茲事公餘必時過志局與協修者往復商榷審定大綱採各志之長不專做一家亦不沿習故習別出總

三台縣志

跋

三台新民印刷公司代印

例蓋以爲志也者因時而立者也昔之志重考古今之志重知新故志與史同意不必與史同裁要以政治建設爲主尤以學術民俗物產生計爲政治之骨殖此吾蜀省志所定通例也是以民國改建後之志書莫不注意新政而義例考據則從畧焉茲編於食貨物產兵事學校風俗紀之特詳不避纖瑣之譏而於典禮藝文先賢宦績軼事舊聞惟取舊府志縣志以爲藍本存廢墜於將來迹近掠美蓋亦竊師班書多仍馬史之意而不敢沒前人之善也其他於舊志之略者補之訛者正之複者刪之兵燹後之檔冊莫考者闕之不敢沿陋襲謬爲後世詬病至於閭閻幽光潛德則蒐採之後因類編入實事求是歲餘稿就縣長甘君梯雲繼陶君總其成參互考訂拾遺補闕務期詳確始付印發俾覽是編者其令長因地制宜鑑往知來即可爲因革損益之資而邦人士景仰前賢經紀人倫亦可爲

觀感之助則關塞之險夷風俗之淳疵文化之盛衰物產之豐嗇與夫忠貞義烈之可法可傳者皆能裨益吏治助成風教與新政有互相維繫之勢非徒鋪張揚厲雕繪浮華以飾一時之觀聽也後有作者能繼斯志而補其畧正其失焉則尤幸甚邑人張樹勳謹跋

三台縣志勘誤表

卷	數	子	目	頁	數	行	數	字	數	正	誤
一	序	原敘	例言	十七	四	二	二二	二二	二	將	蔣
	目錄			二十		五	一之上	十二	八	專	往
	沿革			二二	十六	五	八	八	九	馬路	排脫
	城池			三	十六	十一	九	八	八	廢縣	頁
				六	十六	十一	十二	十二	十二	感	縣廢
				七	十六	六	十八	十八	十八	手	戚
				八	十二	八	十二	十二	十二	靖	日
	交通			十七	十一	一	十六至十八	十六至十八	十六至十八	井壩靈	壩靈井
	建築			十八	十	一	九之下	九之下	九之下	公	排脫
				二十	二十	二十	二十	二十	二十	蔣	蔣

三台縣志

勘誤表

三台新民印刷公司代印

卷	數	子	目	頁	數	行	數	字	數	正	誤
二	曲			二	二	一	十五	十六	三	質	質
				三	三	一	二四	十六	三	迤	迤
				五	十一	一	二二	十六	三	州	洲
				八	十二	二	十二	十四	二	丙	兩
				九	十三	二	十三	十二	二	迤	迤
				十	八	二	二四	十三	二	裁	裁
				十二	十三	五	十九之下	二	二	對	排脫
				十三	十三	三	八之下	二	二	鼎	頂
	川			十三	三	三	二二之下	二	二	白	排脫
					四	四	十一	十一	十一	派	脈
					六	六	二十	二十	二十	壘	疊
					十	十	十二	十二	十二	來	而

三台縣志

勘誤表

二

三台新民印刷公司代印

塚墓	十八	十一	十六	令	今
	十二	二二	十六	蠻	蠻
		十四	二一	坵	折
	十一	十五	賞	資	資
	八	三至五	智瑩皆	皆瑩皆	皆瑩皆
	三	十四	正學	正學	學止
	二	九	駕	駕	駕
三 祠廟	一	三之下	雲	雲	排脫
		一	玉	玉	王
	四一	十八	頰	頰	順
	四十	八	〔衍文〕	三	三
	三九	二五	隅	隅	隅
梁	三八	十一	接	按	按
		二十	霄	宵	宵
	三四	十六	燈	燃	燃
關隘	三二	二	迤	迄	迄
	二九	九	讐	讐	讐
		二二之下	家	排脫	排脫
	二六	一	值	植	植
	二五	十九	飯	瓶	瓶
		十四	費	講	講
		十五	渚	堵	堵
		十	寂寥	寥寂	寥寂
		九	公	功	功
	二四	七	以	排脫	排脫
		二一	埂	埂	埂
隄堰	二三	十八	背	岸	岸
		十二	北	排脫	排脫
		十	蕃	藩	藩
	二十	七	源	流	流
		二一	自	至	至
	十九	三	二	之	之
		二十	自	至	至
	十八	九	至曹家堰	堰至曹家	堰至曹家
	十六	二一	經縣	縣經	縣經
	十五	十五	勸杯	杯勸	杯勸

